



UNIVERSITÄTS-  
BIBLIOTHEK  
PADERBORN

# **De Vita Et Rebus Gestis Christophori Bernardi Episcopi Et Principis Monasteriensis Decas**

**Alpen, Johann von**

**Coesfeldiae, 1694**

74. Civitas traditur. Robur exercitus. Delegatis Principis offeruntur claves.

---

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)



ves; sive antiquam aliquando repetere  
 silvam, & tumultibus, seditionibus, pro-  
 ditionibus, seu quibuscunq; aliis pericu-  
 losis huiusmodi machinationibus ansam  
 prabere; Vel Nobis aut successoribus no-  
 stris seu facto seu verbo injuriam in-  
 ferre. Deniq; expresse etiam Nobis ac  
 Successoribus nostris reservamus potesta-  
 tem adscito Magistratu, politici Regimi-  
 nis & iustitia adimistros ordinandi, &  
 quacunq; ab aliquo iam tempore irrepsere  
 novitates, defectus, ac vitia corrigendi,  
 curandiq; ut ad precipua Civitatis  
 munia, viri honoratiores, vere Catholici  
 & Nobis ceu Principi sincere devoti ad-  
 moveantur; & e contra turbulentiores  
 & inquieti, ac Nobis seu nostris succes-  
 soribus infidi, vel contrarij, ab iis resi-  
 ciantur; demum sollicitè saveatur, ne  
 prasentia posihac incommoda aut pristi-  
 nas calamitates denuò experiamur. In  
 testimonium veritatis has abolitionis &  
 gratia litteras dedimus manu & sigillo  
 propriis roboratas. In Residentia Nostra  
 & arce S. Ludgeri. Anno millesimo sex-  
 centesimo sexagesimo primo, die verò vige-  
 simâ sextâ Martij, qua erat Divo Lud-  
 gero solennis. Christophorus Bernardus.

Hanc Divo huic venerationem Princeps <sup>74.</sup>  
 debebat, ut ejus ceu Proto-mystræ honoris Ci- Civitas  
 vitatis submissio adscriberetur. Ergo pactis tradi-  
 ita tur.



1661.

324 CHRISTOPH. BERNARD.

Robur  
exerci-  
tus.

Delega-  
tis Prin-  
cipis of-  
ferun-  
tur cla-  
ves.

ita conditionibus alterò statim die unà cum  
Legatis Cæsareis *Coesfeldia Wolbecam* pro-  
peravit. Postridiè verò, quæ erat vigesima  
octava Martij, omnem è castris, municio-  
nibus, præsiidiis militem in campum educit.  
Dispositis longo ordine legionibus, *Hilre-*  
*pium* pagum inter & Monasterium, ac-  
stetit. Numerati *undecies mille quingenti*  
*pedites*, equites verò *bis mille sexcenti*  
Præsiidiariis ex Urbe dimissis ac dearmatis  
tormenta non castrensia tantùm, sed &  
incenibus omnia læto fragore Victori  
plausère. Dein *Pleurenus* Castrorum Præ-  
fectus & *Nagelius* Chiliarcha bis mille pe-  
dites & equites ducentos ceu neo-præsiidia-  
rios, per Divi quòque Ludgeri portam, in  
Urbem introducunt. Princeps interim in  
prædio suburbano Patrum Societatis JESU  
*Insulas* vocant, epulo lautiore Legatos ex-  
cepit. Sub tempus pomeridianum *Brabe-*  
*kus* Decanus, *Twickelius* Rheino-Bever-  
germanus Satrapa, & *Wiedenbruckius* Au-  
iici Tribunalis Præses ac Consularius inti-  
mior Civitatem subingressi in Episcopali præ-  
lato se stiterunt, iisq; ceu Principis vices  
gerentibus portarum ac turrium claves, tam  
cara pignora! à viris Consularibus oblata.  
Ab his iterum creditæ *Pleurenio* unà cum  
præsidij & Urbis Præfecturâ. Et hæc est illa  
fatalis ac præna dies, quæ Principis imper-  
rium, authoritatèmq; stabilivit, Cathedra-



lem exivit Senatum, patriam extulit Nobilitatem; Ordinem verò Civicum depressit, paucorum infaniâ, luctu plurimorum.

Hunc denique finem habuit octo mensium ac totidem dierum obsidio; in qua ex bis mille tormentorum ictibus quinque tantum prostrati. Nam equi novem, qui vel ita pariter rupti sunt, historiam non merentur, hominum duntaxat, non jumentorum fatis dicatam. Inter velitandum è primoribus tres, gregarij verò tum equites, tum pedites viginti cecidère. Et quanquam solito mitior ac nimboſa fuerit hyems, madensque inter lubrica passim æther, ea tamen fuit DEI benignitas & medentium cura, ut supra triginta non extinxerit valetudo. Cæteri suis clausi tuguriis firmare se noverant contra aeris injurias. Et ne quid deesset, supremam commeatûs curam Princeps habuit. Panis, cerevisia, avena, stramen quotidianæ necessitati abundè suppeditata. Viciniores pagi certo numero ligna advehebant coquinæ, fornacibus, clibanisque instruendis centuriatim distributa. Prædium *Zeldthauß* / quod *Osthoviorum* est, penuario destinatum. Ex eo Joannes *Wettendorffius* Camerae Secretarius, vir integer ac diligens, ceu annonæ Curator, demensum quotidie diribebat. Ita prohibitus miles, ne specie conquirendi alimenta Dicecesi molestus esset. Nec enim minùs sollicitè providit

75.

*Finis  
obsidio-  
nis.**Nume-  
rus san-  
ctorum  
& caso-  
rum.**Cura  
Princi-  
pis.*